



Kumin chhungin kan Branch-in tanpuina Rs 2,52,090/- sem chhuak

Chanmari West, 30th Dec : Kum 2012 chhung hian Chanmari West Branch YMA chuan tanpuina chi hrang hrang atan Rs 2,52,090 kan sem chhuak thei a, hei hi Section-te thawhrimna leh Veng chhung mite inpekna vang liau liau a ni, hetihlai hian kan thlanmualah mi 41 kan thlah liam a, heng zingah hian YMA member 14 lai an tel a ni. Kan Branch Hmalakna tlangpui dangte:

1. Branch YMA Office Bearer-te Ni 20.12.2011 ah Zawlbukah thlan a ni.
2. YMA Member (a) Mipa: 1693 (b) Hmeichhia 941 Total: 2634 Life Member: 160.
3. YMA Aw copy 1050 sem a ni.
4. Kumin chhung atan hian chhungkaw tinte hnenah Chhiatni Fund heng: Category A Rs 300/-leh Category B Rs 200/- leh Category C Rs 100/- hian khawn a ni.
5. Section tinten Budget Rs 4500/- chu an tlak thei vek a ni.
6. Kuang atana thing phekan hman thin chu Playboard a thlak a ni.
7. YMA Relief fund hawn thar a ni a, hetah hian Chanmari Branch leh veng chhung mi thahnemngaite atangin tanpuina pawisa thahnem tak dawn a ni.
8. Ni 5.1.2012 a Maubawka In kang tanpuina atan Rs 1000/-pek a ni.
9. Ni 1.2.2012 a Saiha a kangmei tuarte tanpuinan Rs 71,745/- chu Central YMA ah pek a ni.
10. Ni 8.3.2012 khan Synod Hospital a hman turin thisen 114 units pek a ni. Tin, Ni 13.10.2012 khan Aizawl Civil Hospital a hman turin Khuangchera Section ten Branch YMA hmingin thisen 20 units an pe bawk.
11. Ni 29.3.2012 zan khan Kumpulan 'Ram leh Hnam Humhalh' chu YMA Zawlbuk-ah hawn a ni.
12. Central YMA in 'Inter Branch YMA Sport

- 2012 Football, Volleyball Tournament leh Basketball hmanga Tournament a buatsaihah tel a ni. Football (Vodafone Cup) ah Final kan lut a, a pumpuiah pahnihna kan ni a.
13. Ni 14.6.2012 khan AVBD atangin YMA Category a thisen pe tam lawmman 3 na kan dawng.
14. Kumin YMA day chu Branch-in Programme hran siam lovin, Section ten mahni Section chhungah theuh YMA Day hi hlim tlang taka hman a ni. YMA Day pual in vengchhungah faina hnatlang neih theuh a ni. Veng chhunga chhungkaw tin ten YMA Day pual hian YMA Flag zar theuh a ni bawk.
15. Ni 25. 6. 2012 zingkarah ruihhlo dona kawng zawhah kan Branch YMA tel a ni.
16. MHIP Day lawmpui nan kan veng MHIP te Rs 1000/- hlan an ni.
17. Zotlang tlangval leh Ramhlun North nula tui tla zawna tanpuina atan Rs 2000/-hlan a ni.
18. Ni 2.9.2012 zingkarah Chaltlang kawng lung lumin kan veng chhunga In a denchhiatte tanpui nan Rs 2000 hlan a ni.
19. Ramhlun Vengthar leh Ramhlun Sport Complex a leimin tuarte tanpuinan Rs 60,515/-hmuh a ni.
20. Kan Branch Team te Jersey hi Pi C.Lalthankhumi W/o C.Lalramdina (L) 'CH' Section-Phek thumnaah zawm a ni.....

Branch News

Ni 23.12.2012 khan kum 2012 leh 2013 OB tharten C.Lalzarliana President thar inah Charge an inhlan a,OB meeting nghal a ni.

Chanmari West Local Council ten Krismas leh kumthar Duty-te thingpui lum nan Section hrang hrangte hnenah Rs. 1000/- theuh an pe chu Branch Committee in lawmthu a sawi.

Krismas ni khan Branch OB ten Tv James Lalchhuanthanga Old Age Home Govt.Complex-a awm mek chu kan in Cake leh thawmhnaw lum an Present a ni. James hi kum 2013 atan Chanmari West YMA member-ah ziah luh a ni a, zan khat mitchhin lo tawk palh pawh nise, Chanmari West Branch YMA chuan a tul angin a buaipui vek dawn a ni.

Ni 27.12.2012 khan Branch Executive meeting hmasa ber chu President Pu C.Lalzarliana inah an thu.

Ni 8.1.2013-hi Section inthlan hun atan ruahman a ni a, hemi zan hian pawl dang

LUSUN

Pu L. Romawia Kum 72 Vana pa Section chuan Ni 28.12.2012 khan min boral san a, lusun chhungte Branch Committee chuan kan tawrhpu hle.

Kum 2013 a YMAAW

Editorial Board member-te

- Editor : Tv R. Lalringgheta
- Joint Editor: Pu J. Lalnangliana
Pu Lalchhandama
- News Editor: Tv Thangkhuma
Pu Lalchhuanmawia
Pu K. Lalremtluanga
- Cir. Manager: Tv Jacob Lalrinsanga
- Pro. Manager: Pu T. Ngurkhuma
Vice President

KOHRAN HRANG HRANG TEN HLIM TAKIN KRISMAS AN LAWAM

Krismas chu veng chhunga Kohhran hrang hrang ten hlim takin an lawm. Inkhawm leh zaikhawm thawm a ngaihnawm a, Krismas ni tak khan Kohhran thenkhat chuan chhang ruai an theh laiin sa ruai nena lawm pawh an awm a, a tuk a, sa ruai nena lawm chhunzawm pawh an awm bawk.

Kohhran ten veng chhung mi harsate tanpuina an sem a. Biak In leh a vel kum dang aiin an cheimawi a, hmuh a nuam hle. Veng chhungah buaina leh harsatna lian tham thleng a awm lova, chhungkuuaa dam lohna leh lusun khawhar tan erawh a kim lo khawp ang.

TUNKAR CHANGVAWN

Tunah zawng Krista Isuaa awmte tan chuan, thiam loh chantima reng a awm tawh lo.

Rom 8:1

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	<i>T. Ngurkhuma</i>	9436190843
Vice President	<i>R. Lalmachhuana</i>	9436151817
Secretary	<i>RL. Thanhnuna</i>	9436152760
Asst. Secretary	<i>Zairemmawia</i>	9862385654
Treasurer	<i>C. Lalzarliana</i>	9436142049
Fin.Secretary	<i>K. Darthantluanga</i>	9436196071
Adviser-te :	<i>Pu Lalbiakthanga Khiangte</i>	
	<i>Pu Rothuama, Pi Zamanthangi</i>	
	<i>Pu Lalrengpuia Sailo</i>	

Editorial :

Kum 2012 chu kan lo hmang zo leh dawn ta reng mai a, a lunglen thlak ang reng hle mai. Kum tluana damna leh hriselna kan nei hi lawmna chang kan hriat a pawimawh hle a ni. Mi tam tak chuan harsatna leh manganna an tawka, beidawna ruamah an tla a, nun hreawmin an nung a, thihna leh natnain an chungah thla a zara, hemi kum hi an ningin an kham hle mai thei a ni.

Kumin chhung hian thil tha lo tam tak kan ti mai thei a, kalsan ngai pawh tam tak kan nei ngei ang, mi famkim kan awm si lova. Mi dangte pawi pawh kan sawi palh thei a, insiamthat pawh kan mamawh hle mai thei bawka.

Kum tarah hi chuan a theih chin chinah nun tha leh nun thara kan nun a tha hle ang. Kan tisa nun leh thlarau nunah chakna thar kan mamawh a, churang chuan chakna thar kan lak thiam angai ngei ang. Kum thar hi eng kawng pawha hmasawn kan nih theih nan kan hman that a tha khawp ang.

Kumin atan chuan tun tum hi tuna board dinglamin an khawh hnuhnung ber tur a ni a, kan thuchhuah hrang hrang a, rilru na kan awm a nih chuan ngaihdam kan dil a, kan thu chhuah avanga hlawkna lo chhar inawm a nih hlauh chuan kan lawm hle ang, kum thar chibai u.

Article:

Kum 2012 hi

- J. Nanga

Kum 2012 hi kum dang aiin a danglam viau hran lo thei a, amaherawhchu, a hmangtu a zirin a danglamin, kum tha leh tha lo a ni thei viau ang. Leap year kum a nih avanga kum danglam ni tura ringtute rin ang chuan thil mak tak tak leh chhiatna chi hrang hrang a thleng a, kum pangngaia ngaitute tan pawh hetiang chu a thleng kumtin alawm a tih theih awm e.

Kan chanchinbu pawh hian a dan pangngaia kumtluanin a chhuah hunbi a chhiar kim a, kan thu chhuah pawh a chi hrang a tam a, thu tak inzima tling atanga thu ho mai mai kan hrut viau a ni. Thil pakhat chauh han zep lawk ila, 'Pasaltha Vrs Pasal tha' tih Pu Lalnunthara Sailo ziak YMAAW a kan chhuah kha Pi Manghaki, Pu Hruaia VL thiannuin a la na deuh a ni ang, YMA AW copy ruk leh Pathara thlalak a hal niawmin kan lo hria a, chhui chiang turin Ngawireng pawl chuan facebook specialist Hmingliana a tir ta a, ani pawh chu inla detective takin vengthlangah a zuk kal a.

A hminga chhungkaw pain an fridge kawngkhara ramhuai tuibur a dah chu a hmu fuh pek a (*In neitupa hi chuan in atan a ti lo, rawngbawltu a ni tlat*), a thil chhui tur pawh chhui zo thei ta lo chuan a zuzi phah ta a ni. Hetiang tehnuai kan nih avang hian Thinglian khuaa Pu Rimtuia chet dan turu leh ngaihnawm tak pawh a nupui Sangtei vangin kan ziak ngam ta lo a ni. Thuziak thiam lo inti thiam tak tak si Pu Chhuanawma, Pathara tih vel an rawn inrawlh ve chhen a, anmahni avang hian mi pawi pawh kan sawi teuh ta ve ang, an tel lo hian kan kal hleitheih lo chu a ni bawka si a.

Tuten emaw khawvel tawp hun tura an hrilhlawk chu a kal liam leh tawh a, an rin leh beisei ang ni ta si lo insawi mamna pawh hriat tur a awm ngei ang. Kum 2012 hi a lo thlen dawn khan hma lama beiseina avangin kan thleng chak a, kan phur a ni. Chhungkaw tam tak chuan an kum tha leh chhinchhiah tlak a ni ngei reng ang. Hemi kum hi an ngaiin an hre zui vawng vawng ngei ang a, liam lova ding reng turin an

duh hle ang. Nula tlangval tam tak tan pawh an kum tha, an intawn kum leh hlim taka leng dun a, tudang ngai lova an lenlain an chen kum a ni ngei bawka ang. An tum leh beisei ang ngeiin nupa kawpchwah hlim tak anni ngei bawka ang. Ei leh bar zawna kawngah nise, sawrkarah leh company vela an hna hmuh kum a ni a, aw kum tha a va ni tehlul em an ti vawng vawng ta ve ang. Zirlaiten an zirna lama tha taka an pass vang a an lawm em em kum leh hlim taka class an kal kum a ni thei bawka.

Hetieng ang deuh bawka hian, kum lo thar tur thlirin beiseina nen mi tam tak chuan he kum hi an nghak thleng a, amaherawhchu an duh loh leh tum loh deuhin thihna an chhungkaw chungah thla a zar a, an duh leh ngaih lai ngawih ngawih ten mual an liam san a ni. Eizawna kawngah beiseina thar nen tha tawpa luletin an tang a, an tum leh beisei loh deuhin an thil kal a, an beisei a thlawn a ni. Nula tlangval inhmangaihte lah chu eng emaw harsatna avangin an tum loh leh duh loh dan deuhin an inthen a, ngai chungah then a tul ve tho bawka. Chutieng chuan mi tam tak chuan an tum loh leh duh loh dan deuhin harsatna an tawka, kum tha leh chhinchhiah tlak ti a, thenkhatten an ngaih lai hian hemi kum vek hi liam tawh se, kum thar lo her chhuak leh thuai se tiin an duh ngawih ngawih bawka.

Eng a pawh lo nise, kum 2012 hi a hmangtute tan chuan kum danglam, tha leh tha lo a ni thei ang. Hemi kum chhung hian thil tam tak kan ti a, thil tha lo tam tak pawh kan ti nual mai thei e; mahse, siamthat theih a ni tawh lova, koh kir leh theih pawh a ni tawh lo. Hetiang a nih avang hian kan thiltih tawh avanga nun thara kan nun phah a, kan hun hman leh turah kan insiamthat ngei angai hle ang. Thil tha titu tan erawh hlim takin he kum hi an thlah liam ang a, an ngaiin an hre zui vawng vawng awm e. Kan thiltih that hi kum tharah pawh kan chhunzawm leh zel ang a, chu chuan he kum 2012 hi kum chhinchhiah tlak leh hriateng tlak a nih zia a ti chiang viau awm e. Kum 2013 bul tan thlenga dam zawng zawngte kum thar chibai ve ule.

2012 Thuvawn

I awmdan tur chu LALPA chungah ngat la; Amah chu ring la, aman a ti vek ang.

VANAPA

✎ Ni 2.1.2013 (Nilai) zan inkhawm banah Duty-na hmun Pu C. Ramparlana in chungah hruaitu thlan chungchangah committee neih tur a ni.

✎ Ni 3.1.2013 (Ninga) zanah Kum thar Party neih pahin Duty tawpna hun hman tur a ni a, Duty tura ruat zawng zawngte he hunah hian tel theuh turin an inhriattir.

✎ YMA Duty tana pawisa petute - Local Council (Rs 1000), Pu PC Lalsanga (Rs 500) leh Pi Maskimi (Rs 500) te chungah lawmthu an sawi.

✎ An member Pu Saitluanga Sailo chuan fanu thar a nei a, an lawmpui hle.

✎ Duty neih chhonzawm zel a ni a, member-te leh hruaitute'n duty ngaipawimawh turin an inchah.

✎ Tv Hmingthansanga s/o Pu H. Lalchungnunga (Machunga) chu Civil Hospital-ah a awm mek a, dam taka a lo chhuah leh theih an duhsak hle.

✎ Kum thar vuakvetah buaina siam lo turin mitinte an ngen.

✎ Section huam chhunga chhungkua zawng zawngte Kum thar chibai an buk.

✎ Duty Buk saknana in chung hmantirtu Pu C. Ramparlana te chhungkaw chungah an lawm hle. Tin, electric hmantirtu Pu Laldawnghlua (Upa Thanmawia & sons) te chungah lawmthu an sawi baw.

TAITESENA

✎ An Section zunin siam chu hawn mai theihin peih a ni tawh a, a bill pawh lakfel tawh a ni.

✎ An Section chhunga kum 80 chin chung lamte hnenah Krismas present an pe.

✎ An Section chhunga damlo awmte an kan.

✎ Rokhawlhna dang a awm loh chuan Ni 6.1.2013 tlaiah hian Section Committee meeting tum a ni.

✎ An Section leader Hnahthial lama zin pawh dam taka a lo haw leh ngei an beisei.

✎ Section chhungah ngawrh taka duty reng a ni a, duty a thawkchhuakte chungah lawmthu an sawi.

✎ Section chhunga chhungtinte kum thar chibai an buk vek e.

CHAWNGBAWLA

✎ Harsatna lian tham awm lova Krismas an hmang thei chu lawmawm an ti hle a, tin kum thar buaina awm lova, hlim taka hmang turin thalaite an

ngen a, Kum thar chibai chhungtinte an buk.

✎ Zan tin duty thin a ni a, duty kalte chungah lawmthu an sawi. Heng mite hnen atang hian thilpek chi hrang hrang an dawng, Pu C. Lalramdina (L) te chhungin Rs.500/-, Pu Robert C Lalhmangaiha'n Rs.1500/-, Pu Lalchhandama Ralte in Rs.1000/- leh Chanmari West Local Council in Rs.1000/- an pe a, Pu C. Lalramzauva, Pu C. Vanlalmuanpuia leh Pu Benjamin Vanlalpeka ten cake, arsa leh eitur dang an chhawp sak a, heng mi inphalte chungah hian lawmthu an sawi.

✎ Khamhnuai PHE tanky-ah zu in thin an la awm a, a bul vela mite tan an hnawksak bakah tui an tibawlh-hlawh thin a, ti tawh lo turin an inhriattir.

✎ Hun remchangah section committee meeting tum a ni a, hruaitute lo inralrin tur a ni e.

KHUANGCHERA

✎ Ni 3.1.2013 (Ninga) tlai dar 2:00 hian rokhawlhna dang a awm loh chuan section committee meeting neih tum a ni a, member-te'n hunawl lo insiam turin an inhriattir a, chawmal thlah tum a ni.

✎ YMA Duty tana pawisa petute - Local Council (Rs1000), Pu Nundanga (Rs 100), Pu H. Lalruaia (Rs 100) te chungah lawmthu an sawi.

✎ Section huam chhunga YMA member leh chhungkawtinte kum thar chibai an buke.

NEUVA

✎ Tunkar lo awm tur ah hian Section Committee koh tum a ni a, Hruaitute hunawl lo in siam turin an in ngen.

✎ Pasaltha Neuva Inah Duty thin a ni a, Duty te chungah Committee chuan lawmthu a sawi a. Kumthar vuak vet chhung a buaina leh harsatna nei te chuan hruaitute hriattir vat thin turin an in ngen.

✎ Section chhung a chhungtinte Kumthar chibai an buk a, Kum a thar ang ngeiin hruaitute leh memberte thawhona tha tak nen a kum bul tan ngei turin an in ngen.

✎ YMA Duty tana Local Council in Rs 1000/- an pe chu an lawm hle.

KEIMAHNI

✎ Tun tum hi kumin Editorial Board ten kan chhuah hnunung ber tur a ni tawh a, karleh atang chuan a tharin an khawih ve thung tawh ang.

✎ Chanmari West mipuite kum thar hlim taka lawm turin duhsakna kan hlan a che u.

.....Phek khat zawmna

in minrawn tum sak. **21.** Y M A General Conference-ah kan Branch atangin mi 7an kal, thlengtu tanpui nan Rs 2000/- hlan an ni. Branch Secretary Pu RL.Thanhnuuna chu kum 15 Branch Office Bearer a lo nih tawh avangin hruaitu hlun chawimawina a dawng a, an lawmpuiin an chhuang hle. **22.** Pi Lalrintluangi leh a fa te (Chawngbawla Section) chuan an pa Pu R.Thansanga (RTS) hriatrengna atan Table fan 2 minrawn pe. **23.** Veng chhungah Kumpulan bawhzuina atan vawi eng emaw zat duty a ni a, ruihhlo (damdawi, zu) eng emaw zat man a ni. **24.** Central Road tha taka a tlang theihna atan kawng siamthat hna (lungrem) Branch YMA hmingin thawh a ni. **25.** Ni 19.12.2012 zanah veng chhungah Carol Service a ni. **26.** Kan veng chhunga chhungkaw 15 te hnenah Krismas Present atan Rs 1500 theuh hlan an ni. **27.** Kumin chhung hian mitthi 41 kan nei a, YMA Member 14 an awm a ni. **28.** YMA Chanchinbu copy 106 lak a ni. **29.** Kumin 2012 chhung hian ruang chhuak 11 an awm. **30.** Kan Branch YMA Chanchinbu 'YMA AW' chu zirtawp zan apianga YMA Buk sir Taitesena Section-te bungraw In chungah buatsaih thin chu, YMA Buk hnuai Information Centre a kan hman chu ping dangin, Room khat chu YMA Aw buatsaihna atan hman a ni. **31.** Kum 2012 chhung atan hian Branch YMA tichak turin Chawngbawla, Khuangchera, Taitesena, Neuva leh Vana pa Section te hi din a ni. Section tinah hian Office Bearer mi 6 leh Committee Member mi 25 theuh an awm. Branch Office Bearer te Section tinah thla thum dan zelah Branch OB In-charge in siam thin a ni. **32.** Kum 2012 chhung atan hian Property, Thlanmual leh Documentation Sub-Committee hi din a ni. Sub-Committee tinah hian Office Bearer mi 4 leh Committee Member mi 15 theuh bakah, Branch OB In-charge an awm baw. **33.** Central YMA ten min ngenna angin, chhim lama Branch YMA harsa tanpuina atan bungrua khawn a ni a, henge hi pek an ni.

1.	Baltin	1 no
2.	Ketli	1 no
3.	Chawhtawlh	1 no
4.	Tui bottle	4 nos
5.	Tea Tray	10 nos
6.	No bawm	7 nos
7.	No	663.nos

Kum 2013 chhunga Chanmari West Branch YMA Executive member leh Adviser-te

1. Pu Lalramhluna Hauhnar
2. Pu R. Lalmalsawma
3. Pu VL. Thakima
4. Pu H. Vanlalvena
5. Pu Lalchhandama
6. Pu Lalthanruma
7. Ni Lalramengi
8. Pu Vanlalvuana
9. Pu Lalrinliana
10. Pu Lalchhanhima
11. Pu Zonunsanga
12. Pu Thanseia
13. Ni K. Vanlalchhuangi
14. Pu C. Lalmuankima
15. Pu RK. Rozidinga
16. Pu C. Zonunsanga
17. Pu Lalrinsanga
18. Pu K. Lalthakima
19. Dr. Lalramliana
20. Pu Lalruatsanga
21. Pu J. Lalnangliana

Heng bakah hian YMAAW Editor leh section hrang hrang leaderte pawh an la tel leh bawk ang.

Kum 2013 chhunga Branch YMA Adviser atan heng mite hi ruat an ni.

1. Chairman, Local Council- Pu F. Zosanga
2. Pu Lalrengpuia Sailo
3. Pu A. Biaklawma

Badminton news

- ✂ Dt 29.12.2012 (Inrinni) khan Indoor Stadium-ah One Day Tournament neih a ni a, member 40 vel an tel.
- ✂ Club member-te thawhkhawmin Indoor Stadium ventilation, Light leh chhuat rawng hnawih that a ni a, tlawmngaia pawisa thawhtute chungah lawmthu an sawi.

THLALAK

Hunpui kan thleng leh ta, thianho leh mimal thlalak duh tan, pan leh koh theih kan ni e
Thlalak hlui pawh kan siamtha thei baw e.
Lallawmpuia
Chawngbawla Section
(2-2) 9862493128

TUI KAN PE THEI

Tui thianghlim tak mamawh tan englai pawhin kan pe thei reng e.
Dinga 'CH Section'
9402591334 (4-4)

SUM DINHMUN ENDIK A NI.

Ni 22.12.2012 khan Chanmari West Branch YMA sum bawmpui, Section hrang hrangte leh YMAAW sumte endik a ni a, pawisa pawh a hmanna tur awm tak hlirah hman a ni a, a vawn fel kawngah pawh sum vawngtuten an ulukin an ti tha hle tiin Auditor ten an sawi a ni. Kum khat chhung hian sum lut leh chhuak pawh a tam tham hle a, a lawmawm hle mai.

Chanmari West Branch YMA sum dinhmun :

	OB	Hmuh	Hman	Balance
Main	Rs 85,900	Rs 3,54,270	Rs 3,41,526	Rs 98,644
Chhiatni Fund	Rs 29,608	Rs 2,72,025	Rs 2,63,693	Rs 37,940
Zawlbuk	Rs 2,10,486	Rs 1,67,100	Rs 2,01,116	Rs 1,76,470
Relief	Nil	Rs 1,35,565	Rs 83,015	Rs 52,550

Section hrang hrang leh YMA AW sum dinhmun :

	Hmuh	Hman	Balance
YMAAW	Rs 90480	Rs 59183	Rs 31297
Chawngbawla	Rs 116821	Rs 97820	Rs 19001
Neuva	Rs 142095	Rs 125495	Rs 16600
Taitesena	Rs 730960	Rs 52787	Rs 20309
Khuangchera	Rs 81559	Rs 66339	Rs 15220
Vana pa	Rs 137373	Rs 133460	Rs 3913

Thlanmual Sub-Committee

- ✂ Tluang tak leh harsatna awm lova kum an hman liam avangin an lawm hle.
- ✂ Hun remchang hmasa berah Kum-2012 chhung a Hruaitute chawhlui kil ho tur a ni a, Memberte hun awl lo in siam turin an in ngen.

CHHUNG TIN MAMAWH

Puanthui khawl, Puan par, Puan Chhah thui thei turin ka siam thei reng e. Gas Stova tha lo, Leak, Herh sak, Sim a thi pawh ka siam thei a. Khawl hlui puan eng pawh thui thei tlawm te a lei tur pawh a awm bawk. I mamawh chuan min han phone la, ka rawn pan mai dawn che a nia.
Save rawh le

(3-3) LH CHAWNGTHU.
9612322639

MAMA SHOE STORE

- Mipa pheikhawk Smart Shoe
- leh Sneaker chi hrang hrang a man
- tlawm atang a to ber thleng,
- Branded chi hrang hrang
- awmnaIntac Shoe Original pawh a
- awm e. Veng mite duhsak an ni e.
- Ni 10.12.2012 (Thawhtan) atang
- khian zanah pawh dawr theih kan
- ni dawn e. Min rawn dawr turin kan
- sawm a che u.
- Millenium Centre. 3rd Floor, D-73
- Contact. Vanromawia (Mawia)
- (4-4) 9862957982

ZOFA NEWS

- ✂ Dt 27.12.2012 (Ningani) tlai khan NI Vanlalmuanpui te inah kum tawp Committee an nei a, zanriah an kilho nghal. Ei rawngbawl leh a tul tula buaipuitu Pu K. Lalramzauva te chhungkaw chungah an lawm hle.
- ✂ Dt 28.12.2012 (Zirtawp) zan khan Pushpak (Thuampui) ah programme pawimawh tak an nei a, member 23 an thawk chhuak a, member kalte chungah lawmthu an sawi.
- ✂ Ni 10.1.2013 (Ninga) zan dar 7:00 hian kum 2013 chhung atana hruaitu tur thlanna YMA Zawlbukah neih tur a ni a, club member zawng zawngte kal theuh turin an inhriattir.

CHESTER ENTERPRISE

Vaivakawn (Near SBI,ATM)

Envelop Printing, Thawhlawm Ip chi hrang hrang kan print thei a, Envelop pawh kan nei nghal e.

Phone : 9774399056
9856606722

Rosy Drug Store

Damdawi duh tan englai pawhin pan theih reng kan ni. BP check leh jection pawh kan ti thei nghal e.
Lalhmingliani 'CH Section'
Kawrpui bul (2-2)